



Photo Charrouin, St-Pol-de-Léon

Gwerz, ar President DOUMER

lazet a daoliou revolver gant eur Russ hanvet Gorguloff



Photo Charrouin, St-Pol-de-Léon

Son nevez savet
gant ar Barz François MOAL ha François STÉPHAN
~~tar daou ganer~~, kastellad
~~ar c'hézenn~~

I
Eun darvoud braz mignonned
E Franz zo c'hoarvezet
Hor President k'en karet
Siouaz a zo lazet.

II
Eun den oa deuz ar gwella
E peb leach' oa brudet
Chentil oa vel ar bara
An holl zo glac'haret

III
Epad ar brezel spountuz
Pevar mab en deuz kollet
War an dachen ker skrijuz
Ho gwad ho deuz skuilhet

IV
Gorguloff ez eo hanvet
'N hini dennaz varnhan
En eur c'horn e zoa kuzet
O c'hortoz anezhan.

V
Neuze kerkent ma velaz
Ar President Doumer
Varnhan deostu e tennaz
M'heur a denn revolver.

VI
Ar paourkeaz koz gwal baket
En e skoaz, en e Benn
E kreiz an noz zo marvet
Ranket en deuz tremen.

VII
An holl dud, ker glac'haret
O velet eur seurt tra
War ar Russ ho deuz lamet
Evit klask e laza.

VIII
A gleiz, hag a ziou
An taoliou gweze druz
Ma zoa lakeat e c'hinou
En eur stad truezuz.

IX
Poan braz doa an archerien
O tifenn anezhan :
« Maro d'an estranjourien !!! »
Veze iouc'het varnhan.

X
Gouleñnomp holl Fransizien
Evinthan ar maro
A kass kuit, an holl estren
A zo e koll ar vro.

XI
Ar vro, gantho zo kollet
Dont a reont a verniou
A c'hoaz vezont ket nec'het
C'holbert deomp lezennou.

XII
Ar Franz, a zo kalz re vad
A ro digemer d'an holl
Ma kendac'lh c'hoaz eur pennad
Eo sur da vont da gall.

XIII
Goude drebi hor bara
A digemer anezho
E tenont c'hoaz da laza
Ar re c'houarn ar vro.

XIV
Kristenien, en o tiegeziou
Lavarit eur Bater
Vit ma ielo d'an Envou
Ar President Doumer.

(Reproduction interdite).